

Rapport annual 2020

GIUVENTETGNA CADI



GIUVENTETGNA CADI

Fundaziun "Tür auf - mo vinavon"
Via Sursilvana 93 | 7175 Sumvitg
Telefon 078 673 57 38

info@juventetgnacadi.ch | www.juventetgnacadi.ch
Banca Raiffeisen Cadi, IBAN: CH91 8107 2000 0010 1773 4

Sco tier las biaras instituziuns ha il coronavirus mess era nies program empau sil tgau naven dils 13 da mars. Il temps da primavera culs dis vegnan pli liungs ei il basegns gronds da s'entupar e d'interpreter zatgei da cuminonza. Ils giuvenils han plascher d'interpreter caussas en buna cumpignia. Per mei eis ei stau sco εμπrem in pign schoc e lu sundel sedumandada, co e tgei far per saver agir il pli prudent e tuttina saver mantener il contact culs giuvenils. Ils giuvenils ein vegni animai da star a casa e gnanc a scola astgavan els ir. Tats e tattas audan naven d'in di a l'auter tier la gruppa da resca. Ina nova situaziun per in e scadin da nus. Ina detga sfida, mo il humor havein nus tuttina buca piars.



Giuvenils cun mascrina avon la Talina

Locals da sentupada:

Las sentupadas els locals ein vegnidadas scumandadas tochen miez matg muort il "lockdown", medemamein ein tuttas activitads e tuts projects vegni annullai diltut ni stuschai sin in auter datum.

Il contact culs giuvenils hai jeu manteni u entras las gruppas da Whats App che nus installein mintgamai all'entschatta digl onn da scola. En mintga vischnaunca ein giuvenils sepurschi da far cumissiuns per persunas attempadas ni da resca.

Damai che la lavur da juventetgna aviarta sebasa sin buns contacts persunals e relaziuns sun jeu stada leda che las restricziuns ein sesluccadas ils 11 da matg.

Ils locals han astgau vegnir aviarts suenter ch'il concept da schurmetg ei vegnius approbaus dils responsabels dallas differentas vischnauncas. Cun metter a disposiziun mieds da desinfectar ed igl avis da notar tuts presents sin ina gliesta da presenza essan nus selegrai da puspei astgar arver ils locals.

Co far per s'entupar cun prudientscha, buca riscar in'infecziun e tuttina dar suatientscha als basegns dils giuvenils? Quei ei stau nossa gronda sfida avon las vacanzas da stad.

En mintga local ei vegniu "bess ord nuegl" e schubergiau da rudien avon las vacanzas. Ils menaders*as ein vegni cun plascher cun lur vehichels ed han carrau canapès ruts ed isai silla deponia da vischnaunca.

Quei ei mintgamai in detg eveniment. Cheu ves'ins che giuvens carschi e giuvenils ein prompts da far lavur cumina.



*Ils menaders*as dalla Talina dismettan ils canapès vegls*

Duront las vacanzas da stad ei la lavur da juventetgna aviarta buc ton activa, in cuntegn dalla lavur mobila ei denton d'esser presenta agl Open air Lumnezia. Miu pensum leu ei da prender si contact culs giuvenils e da far la punt tier ils stans da prevenziun ch'ei presents agl Open air. Deplorablamein ei era quei event vegnius daus giu uonn.

Cun gronda motivaziun ein ils menaders*as semess ils 14 d'uost alla lavur cun metter ensemen in program d'avertura pils locals da sentupada a Sedrun (Talina), Mustér (local Cons) ed a Surrein (local Pistreg). La collegialitad denter ils menaders* ei buna, ils "vegls" instrueschan ils "novs". Igl onn da scola 2020 han 7 novs menaders*as entschiet cun lur survetsch.

Mo strusch entschiet eis ei era schon puspei stau finiu cun las activitads els locals. Ella Talina ha il Sontgaclau aunc saviu far ina viseta, ils locals Cons e Pistreg ein vegni serrai avon sin ordinaziun dallas suprastonzas communalas.

Projects:

Gia il mars ein era las portas dallas "Hallas aviartas" seserradas muort las restricziuns. Sunter las vacanzas d'atun havessan nus bugen puspei continuau cun nossha purschida che ha liug a Rabius ed a Trun, mo puspei nuot. Quei project vegn promovius e sustenius finanziamein digl uffeci da sanadad dil cantun Grischun ed el vegn apprezziaus fetg da beinenqual giuvenil.



"Halla aviarta" a Rabius

Damai che las ordinaziuns muort il corona ein vegnidas pli severas igl october havein nus sulettamein saviu menar atras l'emprema part dil cuors d'emprender co pertgirar pops ed affons pigns, quei ils 23 da settember. Ils 8 giuvenils ch'ei s'annunziai per quei workshop ston haver pazienza tochen ch'ei vegn puspei lubiu da menar atras tals cuors.

Projects realisai:

- 18 da schaner: Patinar e magliar fondue a Mustér
- 22 da schaner: "Co sepresentar" cun Sara Hermann a Sedrun
- 1. da fevrer: Viseta e fuffernadi tier las Bagordas a Mustér



Fuffernadi tier las Bagordas a Mustér



Filmar per Cuntrasts sil Pass digl Alpsu

27 d'avrel: Filmar ed intervestas per Cuntrasts dad rtr

20 da matg: In di culs pumpiers Sursassiala a Mustér

17 da zercladur: Grillada a Rueras

30 d'uost: Collaboraziun cul duo "Jenja" al survetsch divin a Caischavedra

19 da settember: Go-Kart a Magadino

30 da settember: "Cult dil tgierp e nutriment", sera publica per promover la sanadad psichica a Trun

En atgna caussa:

Nossa fiasta da giubileum "10 onns Giuventetgna Cadi" planisada igl october havein nus stuiu spustar sin pli tard.

Noss'organisaziun tetgala "jugend.gr" ha festivau igl onn 2020 il 15avel onn d'existenza.

Cumissiu 2020:

Roland Just, president dalla fundaziun "Tür auf-mo vinavon"

Robert Candinas, president dalla cumissiu, delegau dalla vischnaunca Sumvitg

Daniel Schmid, delegau dalla vischnaunca da Tujetsch

Gabriel Venzin, delegau dalla vischnaunca da Medel

Jris Lombris, delegada dalla vischnaunca da Mustér

Kurt Wolf, delegau dalla vischnaunca da Trun

Cordial engraziament a tuttas e tuts che sustegnan nus.

Per GIUVENTETGNA CADI: Gabriela Cabalzar-Lombriser